

# Opravdanost i svrsishodnost uključivanja ombudsmena

Ombudsmeni BiH imaju mandat prema zakonu i aneksu 6 Dejtonskog sporazuma, ali se postavlja pitanje njegove primjene, kazala je Džumhur

Ombudsmenka BiH Jasminka Džumhur izjavila je povodom dvodnevne regionalne konferencije, koja je počela jučer u Sarajevu, da su pariški principi međunarodni okvir za funkcioniranje nacionalnih institucija ombudsmena i da podrazumijevaju najširi mogući mandat.

- Mi taj mandat prema zakonu i aneksu 6 Dejtonskog sporazuma imamo, ali se postavlja pitanje primjene tog mandata u segmentu pravosuđa. Imamo dvojnu ulogu prema pravosuđu u dijelu koji se odnosi na praćenje izvršavanja procesnih aktivnosti. Upravo ova konferencija ima za cilj da zajedno s kolegama iz regiona razmotrimo zakonska rješenja i da vidimo koje su



Borba protiv diskriminacije

dobre prakse, izjavila je Džumhur, javlja Fena.

Regionalnu konferenciju "Razmjena najboljih iskustava u rješavanju kršenja ljudskih prava s posebnim fokusom na borbu protiv diskriminacije" organizirala je Institucija ombudsmena za ljudska prava BiH uz podršku delegacije EU u BiH, Ureda Vijeća Evrope u BiH i Misije OSCE-a.

Šef Misije OSCE-a u BiH Bruce Berton je kazao da po pitanju ljudskih prava pred svim tim institucijama stoji mnoštvo izazova u BiH, posebno kad je riječ o diskriminaciji, a naročito manjina. Berton je pohvalio angažman na izmjenama Zakona o ombudsmenima koje će, kako je rekao, osigurati veću finansijsku nezavisnost.